

---

## УММОН СУЛТОНЛИГИНИНГ AL MAWAKAB КОМПАНИЯСИ ФАРҒОНА ВИЛОЯТИГА ИНВЕСТИЦИЯ КИРИТАДИ

Ўзбекистоннинг Уммон Султонлигидаги элчихонасида “Al Mawakab National Trading & Construction” (MNT) компанияси бош менежери Сью Юханг билан учрашув ўтказилди.

Сухбат давомида Фарғона вилоятининг инвестицион салоҳияти, хорижий сармоядорлар учун яратилган имкониятлар ҳақида фикр алмашилди.

Сью Юханг Фарғона вилоятида ахборот технологияларини ривожлантириш учун қулай шароит мавжудлигини таъкидлади. Шу сабабли вилоятдаги ўрта таълим муассасаларида замонавий ўқитиш тизимини жорий этиш ва рақамли технологиялар марказларини яратиш бўйича қиймати 3 миллион доллар бўлган лойиҳанинг тақдироти билан таништирди.

“Al Mawakab National Trading & Construction” раҳбари мазкур лойиҳа муваффақиятли амалга оширилган ҳолда келгусида кенг имкониятларга эга сим-карталар ишлаб чиқарувчи корхонани ишга тушириш, савдо-иқтисодий соҳани мувофиқлаштирувчи электрон дастурни йўлга қўйиш, “Қўқон” эркин иқтисодий зонасида логистика марказини барпо этиш каби истиқболли лойиҳаларни ишлаб чиқишга тайёрлигини билдирди.

Маълумот ўрнида таъкидлаш жоиз, MNT 2007 йилда ташкил этилган бўлиб, йирик иншоотлар, транспорт-логистика марказлари, сув ва электр станцияларни ишга тушириш каби турли лойиҳаларни амалга ошириб келмоқда. Шунингдек, компания биноларда замонавий мониторинг тизимларини яратиш, дастурий ахборот-коммуникациялар ишлаб чиқишда илғор тажрибага эга.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2022-11-08 10:21:07